


Nowanburukalo san 2011

San 39nan - Boko 478nan

Songo = dərcəm 35



Kunnafonisəben bota kalo o kalo - BP : 24 - Téléfoni : 20.21.21.04 Kibaru bugufiyé Bosola Bamako

«FEMAFOOT»
y'aka
laadalatɔ̄nsigi
40nan ke

ne 8

Kani 2012 ntolatañ kun fōlōw bolodara niñ cogo in na

Sibiridon zanwuyekalotile 21 san
2012

Gine Ekatoriyali - Libi

Senegal - Zambie

Kan zanwuyekalotile 22

Kodiwan - Sudan

Burukina - Angola

Niñedon zanwuyekalotile 23

Gabon - Nizéri

Marokü - Tinizi

Taratadon zanwuyekalotile 24

Gana - Botswana

Mali - Lagine

Arabadon zanwuyekalotile 25

Libi - Zambie

Gine Ekatoriyali - Senegal

Alamisadon zanwuyekalotile 26

Sudan - Angola

Kodiwan - Burukina Faso

Jumadon zanwuyekalotile 27

Nizéri - Tinizi

Gabon - Maroku

Sibiridon zanwuyekalotile 28

Botswana - Lagine

Gana - Mali

Kan zanwuyekalotile 29

Gine Ekatoriyali - Zambie

Libi - Senegal

Niñedon zanwuyekalotile 30

Sudan - Burukina Faso

Kodiwan - Angola

Taratadon zanwuyekalotile 31

Gabon - Tinizi

Nizéri - Maroku

Arabadon feburuyekalotile 1

Botswana - Mali

Gana - Lagine

Karidefinaliw be tan sibiridon ani

kardon feburuyekalotile 4 ni 5

Demirmaniw be tan arabadon
feburuyekalotile 8

Javorasabaganinntolatañ be ke
sibiridon feburuyekalotile 11

Finali be tan Liberewili - Gabon
Kardon feburuyekalotile 12 san 2012 - nəgə - kann
niñnan waati la

Afriq be ne 8nan na

Ja ye sumankonibagandumunikotijen ninan



Minisirinəməgo Madamu Sise Mariyamu Kayidama Sidibe ni sənəko Minisiri

Kampani kuncəcogo no bə ye
jamana ka soro la. Sabula Malisa:niye
diya n'a goya sirilen bə sanjiko la.
Cakəda min nəsinnen bə ja keleli ma
sahelikungo kono n'o ye «CILSS» ye,
o tun y'a jira ko məkalo temenən na,
ko sanji nanen hake tun ka ca ni san
hakəma ta ye. Məgo bəs jigi tun bə
samiye duman kan.

Nka kabini «CILSS» ni sanjiko
cakəda dəw labanna k'a jira ko
sanjidəsə bə son ka ke tuguni, məgəw
jigi karila. A kera o fəlen ye, ja kera fan
caman fə.

Kasorəsənəkəlaw bilasirabaaw tun
y'a jira u ka sənəkəlaw la ko ninan
samiye sanji bə soro ka səbekərəcaya.
Jiko ma sabati, soro kera cuncunnen
ye. Kabini sisan, jamana nəməgəw
y'a naniya ka dabaliw tige balodəsə

kunbənni kama. O siratigə la,
minisirinəməgo Madamu Sise
Mariyamu Kayidama Sidibe ye lajə
ke ni minisirwyə, anicakəda fən o fən
nəsinnen bə dunkafa sabatili ma,
walasa u ka hakilijagabo ke səne
kanpani kunnafoni folo sərəlenw kan.
O fəsəfəseli wənə Minisiriso
səkerətəsi Zenerali ye, o'yajira dəsə
kera maloforo taari 194.130 soro la. O
b'a jira ko maloforo taari 810.084 min
sənəna ninan, bin kera 24% o soro la.

Fən min ye sumanforow ye, dəsə
kera olu taari 393.096 soro la. O bə
ben 10% ma sumanforo sənənen
mumə soro la. Ja juguyarənforow ni
keningeforow de ma kosebə.
Keningeforo taari 172.070, dəsə kera
o soro la. Oye bin kelen ye ni 45% ye

keningeforo sənənen
mumə soro la. Sañoforo taari
158.656, dəsə kera o
soro la. Oye bin kelen
ye ni 41,5% ye
sañoforo sənənen
mumə soro la. Ja
juguyara foro minnu
ma kosebə, o fanba
be sahelikungo kono;
n'o ye komini 158 ye
sərelili 29 kono. Ja ka
nin tijen iñ kofe, soro
bəna ke foro taari
miliyon 4 ani ba 3000
la. A tun fora ko
suman hake min
bəna soro ninan
kanpani na, taari
miliyon 4 ani ba 300
la. Atunfora kosuman
hake min bəna soro
ninan kanpani na,
taari miliyon 4 ani ba 300 soro bə ben
088,20% ma. NKa sinsin te se ka ke
min jate ninnu kan fəlo; sabula
səgesəgeliw bə senna fo
desanburukalaban na.

Baganmara ani mənni minisiriso
y'a jira ko Mali komini 703 la, ja ye
tijen iñ kosebə komini 400 kono. K'o
komini ninnu kono, 60% tijena
bagandumuni na.

Jamana kono kəni marabolow
minisiri Zenerali Kafuguna Kone y'a
jira ko ni bagandumunjib'o cogo la,
yanni an ka bəne an ka baganba in
na, caman ka feere u la. Dənnin min
bə to baganmaralaw bolo, ka dabali
tige olu ka dumuniko la walasa olu ka
se ka balo ka ne ka bugun kosebə.

Amadu. M. Sise
Dokala Y. Jaara

Sanjidəsə ye sumanw səcədəcəgəya

Səne nəməgəyəsə la,
hakilijagabolajə də kera san 2011/
2012 səne kanpani kan jumadon
okutoburukalo tile 28 san 2011.
Daniyeli Kelema min ye cakəda in
nəməgəye, oy'a jira ko soro kera hake
ye ninan k'a sababu ke samiye
donbaliya ye joona yoro dəw la; sanji
fana ma foori yoro dəw la. O de la
suman bəre ma soro.

N'i ye marayçəw jate minə, Kayi

kənəkayanfaka fara Yelimani ni Jor
kan, sanji dəsəra sumanw na.
Kulukoro mara la, sanji dəsəra
Welesebugu, Bamako kənəkayanfan,
ani Kələkani ni Nara maraw fana na.
Sikaso mara la, Yorosob'o cogo kelen
na. Segu mara la San, Tomijan, ani
Bila fana bə ten. Moti mara la, Moti
kənəkayanfan na Duwanza,
Bajangara ani Jene yərə bə ten. Sən
ni keninge ma ne Tumutu ni Gawo
marawla. Keninge ma ne Kidali mara
la. Dənnikəlaw y'a jira ko sumanforo
taari miliyon 4 min sənəna. Mali kono

ninan, kəmesarada la bin ka kan ka
ke ni 15 ye suman soro la, Foro
kəmesarada la 60 ma dan joona k'a
sababu ke sanji sərobaliya ye a tuma
na. Kəmesarada la foro 86 ye sənəni
keninge forow ye. Ja digira olu de la
kosebə jamana kono. Jikənəmalofara
gerekənmalo kan sanjidəsə ye fən
bila a bəs la. Baw ma fa, ji ma don
falaw kono, nin bəs kera a
damanagerəyəw ye. Səmudete ni
Otiwale ka kərəforow fana na, taari
23.000 bə yen bin kera olu soro la.

Moriba Kulubali / Dokala Yusufu Jara

Fasodennumanya sabatijekulu (gurupu situwayen) : taabolo kura ka nesin wulakonokominiw ma

Tuma min na jemufanga ni mara walwalanni sigira sen kan, fanga konew nənaboli kera bəe kunko ye. A bora tegekelenkonofnya la k'a walwalan. O koson fangabulon wərew sigira sen kan, i n'a fō Hokonseyi dəkolékitiwite teritoriali (SENA), marabolo fangabulon (asanbile ereziyonali), konsenyi deserikili ani konsenyi kominali ka fara jamana dəpitebulionba kan.

Bi-bi in na, komini 703 bə marabolo walwalannenw demeni ma, ani koperasiyon Alimandi bə ka baara ke kominiw kono, baara min bə tali ke komini ka nafasorosira ani komini jama kunnafonini ma.

K'a ta san duuru fələ ma ka n'a bila bi la, geləya caman bə komini ninnu kan. O geləya dəw file :

- Konsenyi kominali wərew ka lənpo ni takisi minn dugumogow la;
- Dugumogow te lənpo ni takisi sarali ke u kunko ye, k'a sababu ke u ka dannayabaliya ye mogow la, u yere ye minn sugandi k'u sigi komini kunna;
- Konsenyi kominali wərew ka komini kənəmogow lajaga ni kunnafoniy dili ye u ma, k'u sen don komini yiriwali baaraw la, jama ka komini ka baara kelenw ani baara ketaw dən;
- Dugu dəw nisəngoyalen don; ka d'a kan u ka duguden foyi ma ke komini konsenyew ye. O koson utə kunnafoni nənamsa soro komini kan; ani fana, u b'a miiri ko soronadonbaga t'u la meri kono.

Nin y'a san damado ye, Pakiti (Pact) n'o ye porogaramu

min nesinnen bə marabolo walwalannenw demeni ma, ani koperasiyon Alimandi bə ka baara ke kominiw kono, baara min bə tali ke komini ka nafasorosira ani komini jama kunnafonini ma.

Walasa ka nəgoya don kominiw yiriwali nafasorosiraw lasabatili la, ani jama ka bə ka caya kunnafonidiba kəne kan, demejekulu dəw, i n'a fō yiriwali waleyajekulu «ZAD», «ASMADEWI» ani «GIE DORA», olu y'u bolo don Sobara, Jago ani Bugula konsenyi kominali wərew bolo Kati serikili kono, ka hakilijagabə ke, ka fasodennumanya sabatijekulu (gurupu situwayen) sigi sen kan, min nesinnen bə komini soro ladonni ma. O jekulu məgəw sugandilen bə dugu bəs kono. U bə komini konsenyew deme u ka baara la duguw kono. O ye feere ye, dugu minnu ma konsenyew soro, olu ka kunnafoni soro, ani k'u sendon komini yiriwali baara la i n'a fō dugu təw, konsenyew bə minnu bolo, olu bə cogo min na.

- ka kələsili ni kiimeli ke;
- ka baara kelen bəs kunnafoni lasagon seben kono.

Bi-bi in na, baara in sera kiimeni an'a kunnafoni lasagonni ma. A bə səmentiya, ko Sobara komini kono san 2011 in na, kəmesarada la məgo 91 ye lənpo ni takisi sara; ani fana, san 2009 ni 2010 juru minnu bə yen, kəmesarada la məgo 87,77 y'o sara.

Mamadu Jire «GAD»

Djə məgo hake sera miliyari 7 ma

Djə tənba bolofara min nesinnen bə hadamadenw cogoyaw ma, o y'a jira a ka seereyasəben kono, ko djə məgo hake sera miliyari 7 ma san 2011 okutəburukalo tile 31. Akajatew file :

San 200 0 ka kən nənin ye, djə jama hake tun te teme məgo miliyari 300 kan. San 1800 waati la jama hake ye miliyari 1 soro. San 1927 a sera miliyari 2 ma. Ka se miliyari 3 ma san 1959. Ka se miliyari 4 ma san 1974. Jama sebekorə bugunna ka se miliyari 5 ma san 1987. San 1999, djə məgo hake sera miliyari 7 ma san 2011 okutəburukalo tile 31.

Odənnibaa kelenwy'a jira koyanni san 2050 ce, djə jama hake bə se miliyari 9 ani miliyari 300 ma. Ko san 2100 b'a soro a temena miliyari 10 kan. Jatemine wərew y'a jira ko yanni san 2050 ce, ko djə jama hake bə se miliyari 10 ani miliyari 600 ma. K'a bə teme miliyari 15 kan yanni san 2100 ce. K'o jate in yere ye ni do bora hadamadenw buguncogo hake la jamanaw kono, minnajama ka ca. Bi-bi in na, san o sən məgo miliyari 80 bə fara djə jama hake kan. Alimanji jamanaden hake y'oye an bə don min na. Djə jama hake sebekorə bugunna san 1950 ani 1960 kənənaw na. San

1950 kənənaw na, məgo fanba tun b'a jigi da sijan hake miin soro li kan, o tun ye san 48 ye. An bə waati min na məgo fanba jigi bə san 68 soro li kan. Den hake mintun bə fatu san kono, n'i y'o tila kulu 3 ye, kulu 2 bə balola san 10 temenin in kono; k'a sababu ke bangekələsifərəw matarafali, soro bugunni, laada jugu minnu tun bə dankari hadamadenw na, camanbora olu la. O n'a ta bəs musow labanna ka do bo u ka den hake soro la. Ka bo den 6 la ka dan den 2,5 ma. O waleyajənənən bə san 60 bə bi. Jamana yiriwali bə soro komini, muso caman te teme den 1,7 bangeli kan tuguni. Kasoro ni muso mase den 2,1 ma, a məen o məen məgo bə ban o jamana kono.

Faantanjamana na muso ka den bə se 4,2 ma. Afiriki sahara woroduguyanfan muso ta ye den 4,8 ye.

Azığun jama hake ye məgo miliyari 4 ani 200.000 ye; nka a bə son ka se miliyari 5 ani 200.000 ma yanni san 2052 ce. Abəsoro kajiginni damine dəonin-dəonin.

Caman bə fara yərə min jama hake kan kosebə o ye Afiriki ye. Sabula Afiriki jama temena miliyari 1 kansan 2009; a bə son ka se miliyari 2 ma

san 2044 waati la. An bə don min na Siniwaw de ka ca ni jamana bəs məgo ye. U ye miliyari 1 ani miliyari 350 ye. Endujamana dalen b'a kan jamakola. Ale ye miliyari 1 ani miliyari 240 ye.

Nka yanni san 2025 ce, Endujamana bə teme Siniwajamana na jamako la. A bə se miliyari 1 ani miliyari 460 ma, ka Siniwajamana to miliyari 1 ani miliyari 390 na. Yanni san 2050 ce, do bəna bə Siniwajamana jama hake la, k'a ke miliyari 1 ani miliyari 300 ye. Endujamana məgo hake de bə son ka se miliyari 1 ani miliyari 700 ma san 2060 waati la.

Djə tənba ka lajini ye fən damado ye hadamadenya sabatili la. Məgo bəs ka kənəya soro ani ka bangekələsifərəw matarafalı yanni san 2015 ce. Nka jamana 466 bə djə kono, olu la muso duuru o duuru, kelen te bangekələsili ke. Kərenkərennenya la Afiriki sahara woroduguyanfan fe.

Cə ni muso damakənini hadamadenya sira fe, ani muso kalanni n'a donnibara la, olu bəs ye sababuw ye, minnu b'a to məgo təna son dencamansoro ma.

Dəkala Yusufu Jara

Ofisidinizeri jigi bə malokaama təni 600.036,89 kan ninan

Ofisidinizeri y'a ka laadalatonsig 28nan ke Segu san 2011 okutəburukalo tile 28. A nəməgoya tun bə cakeda in nəməgəba Amadu Boye Kulubali bolo. San 2010 kənənaw na, yelema donna Ofisidinizeri la; nəməgoya 5 nəgənna sigira sen kan. Jiko ani dugukoloko nəməgoyasow b'o la. Təno min soro la baraw la o san kelen kono, o bənna sefawari 116.026.033,2 ma; kasoro san 2009, bin kera ni 155.048.036,4 ye. Seereyasəben min bora san 2011/2012 kanpani kunnafoni kan, o y'a jira ko maloforo taari 3050 min bə Sose Sibila Ofisiri Segu sənəkəmara kono, k'o bə ka latəmə Ofisidinizeri ka bolo kan an bə don min na.

Malo Nerika n'o ye gerekənmalo ye, o sənəni daminən Mali kənən y'o kanpani naaninan ye. Samiyəfəmalosənə na, Ofisidinizeri jigi bə malokaama təni 600.036,89 kan kanpani in na. Malo hake min bəna soro a ka tilemafəsənə na o t'o jate in na.

Amadu Umaru Jalo
Dəkala Yusufu Jara

GIZ/Ed ani GIE DORA

Lənpow ni takisiw sɔrɔli Jago komini kɔnɔ Kati mara la

Alimaw kā cakēda min bē wele «GIZ/PACT» ani «GIZ-Ed» min nesinnen bē Kominiw yiriwali ma, o ni dəməjekulu dōw y'u bolo di nōgon ma san 2011 damine na. O jekuluweye «AMASDEVI», «GAD» ani «GIE DORA» ye. Osiratige la «AMASDEVI» ye baara kē Bugula komini na, «GAD» ye baara kē Sobara komini na, «GIE DORA» ye baara kē Jago komini na.

Baara bē lajnini tun ye ka kominiw deme u ka takisiw sarako numan na, walasa ka yiriwali sinsin.

Kərenkərennenya la, nin səben bē boli «GIE DORA» ka baara kan ni Jago komini ye.

Osiratige la, baara caman kera K'a ta san 2011 zanwuyekalola ka n'a bila a nowanburukalo la. Baara minnu kera o damadow file nin ye:

- tōn fən o fən bē komini kōnɔ, ani

dugu o dugu kōnɔ, a jinina k'olu dōn, u bē se ka min kē komini yiriwali la, k'o dōn; a kera wariko ye o, a kera kalanko ye o, o n'a nōgonna caman;

- tōn kərenkərennen do sigira, n'a tōgō ye «fasodennumanton». Dugukelen-kelenna bēs mögo filia bē o tōn in kōnɔ. O tōn ka baara ye komini mögo bēs lafaamuyali ye takisiw joyorola komini jōlila. Jōnni ka kan ka takisiw sara? Nafolo sōrosira jumēnw bē komini bolo?

- kalan kərenkərennen werew fana kera fasodennumanton kun;

- nōgonye caman kera komini mögōw fe, walasa ka faamuyali sinsin mögōw ni nōgon ce, kalan komaseginni ani nōgonyew komaseginni fana kera dugu bēs la fasodennumanton fe.

Fasodennumanton ye kunnafoni caman di duguw kōnɔ



Goro-musow ka tōn bolofara

takisiw saracogonuman kan.

Hakililajigin na, cakēda dōw yera nin kēne kan; i n'a folenpo ka lasigiden kati mara kōnɔ, jinikungo lakanabaa dōw, «OHVN» ani demedonjekulu werew. Bi - bi in na, an bē se k'a fo ko baara ninnu keli kera sababa ye komini kōnɔ; bawo:

- Mögo caman ye faamuyali sōro takisiw sarali nafa la, u dondaw an'u bōdaw la. Sisan mögōw ye faamuyali sōro, ko takisi saralen dōrōme te taa meri ka jufa kōnɔ;

- Akera sababu ye ka bēn sinsin merin'a nōfemögōw ni kominidew ce;

- Takisi saralen bōra 23,90% na salon, ka na 57,57% la san 2011 nowanburukalo la. Halisa sarali bē ka ke. An hakili fana b'a la, ko


caman bē ladon yanni san 2011 ka ban.

Nka o bē na ta, jaabi numan ninnu sōrɔli t'a jira ko gelyea ma sōrɔ baara kōnɔ; i n'a fo :

cemisēnw n'o ye zenesi ye, olu m'u sen don kosebe baara in na; minnu te ka takisiw sara olu bē ka tōw salaya.

- Komini nafolo sōrodaw ma se ka fəsəfəsə, kuma kuncélila, a'y'a ye ko baara caman kera, jaabi numanw fana sōrɔla, nka halisa, an b'a ye baara tō bē ko. O de kama an b'a fo ko juru nun donna an bolo, a tō ye an k'a sama, ka bō ni fēn ye min ka bon ka teme nin bēe kan.

Siyaka Kulubali ni Dawuda Taraweley GIE/DORA la



Komini duguw ka cidēnw kalan kēne kan

Komiterisene daminenə Ofisidinizeri kōnɔ

Minisiri min bē minisiriñemogo kerefe n'a nesinnen bē Ofisidinizeri yiriwali ma, o ye Abu so ye. Baara bolodalen min kerekərennen bē komiterisene kama, a y'o dabaje fōlo ke Nōnōn, jumadon nowanburukalo tile 11 san 2011.

Komiteri ye dunkafa sabatilan dō ye. An bē waati yelema min kofo, o senefen numan dō don. A jiko ka nōgo. Komiteri seneni baara bolodalen nesinnen bē senekele 1.200 nōgonna ma Ofisidinizeri zoni 6 kōnɔ dugu 120 kōnɔ; komiteriforo taari 300 dantigera baara in kama. O senekele ninnu, cew ni musow b'u la.

U kelen bē koperatifu ye komiterisene kēcogo numan siratige la. A kalo 4 baara kōnɔ, koperatifu in jigi bē komiteri tōni 10.500 sōrɔli kan. O feerelen bē bēn sefawari 1.837.100.000 ma. Baaraw musaka bē bēn miliyon 135 ma. O b'a jira ko tōno bē bēn 1.235.098.000 ma.

Baara bolodalen in ka lajnini dōw ye komiterisi teliman dilanni ye, min b'a to komiteri ka se ka sene sine fila san kōnɔ, k'a damine setanburukalo la ka se mariskalo ma k'o dabali tige; ka komiteri lamarakesuw di senekelaw ma; ka komiterilamarasobaw jo komniduguw la komiterisene bēs kama; ka

komiteri bayelemayorō jo ani komiterisiw sēgesēgeyōrō. Ofisidinizeri ñemogoba Mamadu Boyi Kulubali y'a jira, ko nin lajnini ninnu kun ye komiterisene donnī ye ba la, jamana makonékomiteri sōrɔli kama fo k'a tō feere kōkan.

Ofisidinizeri senekelaw ka biroba ciden filanan n'o ye Amadu Cékoro Taraweley, o y'a jira ko nafasorobaara werew b'olu bolo yan n'o ye jaba misennin, tamati, jababa, ani susene ye; nka k'o fēn ninnu lamaracogo an'u feereliko gelyaw b'u kan. Segu mara senekele ñemogō dankan ye Jaje Baye; ale y'a jira ko cakēda min ye «Yara S-A» ye, k'o bēna a fanga fara Ofisidinizeri ta kan u ka senefen feereliko la. Osiratige la, Musa Jabate min ye «Yara S-A» ka ciden ye kēne kan, ni Ofisidinizeri ñemogoba kōrō fana don, o y'a jira ko sefawari miliyon 180 b'u bolokōrō komiteri numan sannī kama.

Komiterisene koperatifu ka komiterisi dilen a ma, u sōrɔla ka don silamarayōrō la k'a laje. O kōfē u ye kanpani in komiteri fōlo turu Jikōrōbugu.

Amagire Ogobara Dolo Dokala Yusufu Jara

Benensene san 10 nena je kera Sirakorola

Benensene ye san 10 soro Otiwale ka senekemara kono. O hukumu kono, nena je kera Sirakorola. O ye komnidugu ye Kulukoro ni Bananba furance la. Mogo camantunb'a kenekan. Emili Noweli, ale ye Faransika ye min be benenhoron san Mali fe. Sene minisiriso ka ciden, Otiwale nemogoba Isa Jire, Kulukoro mara sene nemogoyaso ka ciden, Sirakorola méri, Mali senekejekuluw ka tonta (AQPP) nemogoo Case Kulubalikafara benensene na caman kan, nin bee tun be benensene san 10 nena je kene kan.

Sirakorola komini méri kelen ko ka jama bisimila, a

ye foli ni walenumandou lase benenko cakeda mogow ma, ka senekelaw fana fo. A ya nini nemogow fe, u k'u hakili to benensenaw na senekeminenko ani sene kefen werew soro li, min b'a to benen senebaa ani benen soro ka sebekoro caya ka teme nin kan.

Benensenaw ka kumalasela soro ka kuma ta, k'a jira benensanna na, a kajateminkebenensongoko la sabula mogo gansan were minnu be yaala wulakonduguw la, olu be benen san songo min na o ka ca ni ale ta ye. Ni taa kera o cogo la, a tena benen soro Otiwale ka senekelaw bolo. Jaabili la, Emili Noweli yajira

ko ni Ala sonna a tena be senekelaw jigi koro.

Otiwale nemogoba Isa Jire ka fo la, waatiw temena olu tun be benen horon kilo 1 san doreme 20, nka san 2011 in na, benen songo be doreme 75 la. Otiwale senekemara kono mogo 100.000 ye benensene na ye. Olu ye benen hake min soro ninan o sera toni 1.300 ma. Isa Jire k'a le b'a nini senekelaw fe u k'u jilaja ka layiduw dafa u ni sannikela ce.

U ka benen numan soro cogoo feerew fana matarafa.

Mamadu Jara balikukalankaramogo don Npeserebugu, Masantola komini na Kolokani

Ninan samiyé n'a gelleyaw don



Daramani Sise

fe, i bi sonsoron. N'o kera jenamini t'i bin tuguni. Senekela ka ko bee sirilen don a ka senefenw na. n'olu nena, a b'a nena kaman ke. Nka n'a ka senefenw ma ne, a ka kan k'a ka koketaw bere ben n'a ka soro ye. Daramani Sise ka bo Nogolaso, Sanzana komini na Kinan Sikaso

Poyi : Anw y'an yere ta

Afiri, J'on tun b'a don ko bi be se? A dabora sa! E k'i miiri bani, Ka Afiri kunun n'a bi laje, Nanabaw taara minni? U bee tora janfa la, Marabaga juguw ka janfa, Jonya janfa. A san bi duuru ye nin ye, Marabaga juguw daga bora an dala. Yeremahoronya soredon ye donba ye.

Anw ka yeremahoronya sabatira. Yeelen kuraw falenna Afiri kono. Anw ka yiriwali donna anyere bol. A barika Ala ye. Jekabaara ni kotojogontala Ye Afiri kelenyatou sinsinbere ye.

Isa Jalo ka bo Kodugu, Dugabugu komini na Kati

Nako labennen te Kokuna denmisew bolo

Ni samiyeba raw banna, baaraketa were te Kokuna musow ni kamalenw bolo tilema fe; k'a sababu ke ncogosenedugukolo t'an bolo. Barasi fana t'an bolo nako be se ka sene min na. O ye gelleyaba ye Kokuna musow ni kamalenw bolo. N'an tun sera ka demebaaw soro, minnu be seka na barasi jo an ye nakoko kama, o be diya an ye kosebe. N'a fora konitilema bora kaban, baara were te Kokuna denmisew

bolona fasoroba raw werekeli kama, o ye gelleyaba ye dugu ma. Bee b'a don musow jyoro ka bondenmisenniw ladonni na. O la musow man kan ka ke bolokofefen ye.

Ne be Mali musow fo. Ala ka dinslatige noggoya u bolo. Ka laban ka Mali cew fo. N'i y'a men muso nagalenba, a ce de farinyana. Ce ni muso ka ni noggokerefe hadamadenya yiriwali la. Asani Tarawele ka bo Kokuna, Kapolondugu komini na Sikaso

Samiye tijena, koori ma soro, suman ma soro

Bee y'a ye sanji ma laboli ke Mali yoro caman na ninan. Kaba ma ne, keninge tiga, so ani malo ma ne. Koori kerebete. Dabali jumen bena tige kooriseneaw ye; olu minnu ye juru ta koorko cakedaw fe k'a nini k'olu ka lanini sabati? Sabula kabini a fora ko koori kilo 1 bena san senekelaw bolo doreme 51, mogo caman ye jurubaw ta baara in matrafali kama. Koorko cakedaw dun ka juru te to mogo la; kerkenkerennenya la Semudete. Nka n'a m'o waleyi in laje ji nemajolen na ninan, a fen tununnen bee tena ye de. Samiyé tijena. Koori ma soro, no ma soro. O ka jugu ni saya ye senekela bolo. Sabula ni saya kera kaban, o y'o bannen ye. Ko caman were dun be sorontanya konona na.

Otuma na an b'a nini Semudete fe kabini sisan, a ka juruyoba senekelaw kan na ninan; n'o te a ko bena ke dounnin don goman ye.

Yaya Mariko ka bo Senu Bamako

Sanjidesse kera ninan kosebe

Baara min tun be Tomina kosa in na, o tun ye notigew ye. An b'aw ladonniya ko sanjidesse kera ninan kosebe; sabula samiyé gelleyara k'a sababukesanjikoye. Tomina ye dannisanji soro san 2011 zuwenkalo tile 9. O benna milimetere 8 ma. Tilekonon

okofe, sanji milimetere 4 nana. K'a ta zuluyekalo tile 5 la ka se a tile 30 ma, sanji ye nako 8 ke. O benna milimetere 160 ma. K'a ta utikalo tile 1 la ka se a tile 31 ma, sanji ye nako 11 ke. O benna milimetere 255 ma. K'a ta setanburukalo tile 3 la ka se a tile 29 ma,

sanji ye nako 5 ke. O benna milimetere 86 ma. K'a ta okutoburukalo tile 12 la ka n'a bila bi la n'o ye nowanburukalo tile 9 ye, sanji ye nako 1 ke; O benna milimetere 4 ma.

Nin sanji nanen ninnu mumu benna milimetere 517 ma. Ne be se k'a fo ko Tominakaw garijige danna yan ninan sanjikoye. Kasoro san 2010 kono, sanji nanen benna milimetere 793 ma. O b'a jira kosan 2010 sanji hakecayara ni 2011 ta ni milimetere 276 ye.

Mogo minnu konna ka danni ke kabini sanji folow la, olu ka sumanw fisayara ninan doonin. N'o te sanjidesse ye suman soro dogoya ninan kosebe.

An be dugawu ke Ala ka here ke Mali ce ni muso bee ye.

Solomani Jara ka bo Tomina, Sofara fe Jene mara la Moti

Poyi : Nafigi

Nafigi nenkise ka jan a yerekun ye. Nafigi be du duman ci, Ka dugu duman ci. A ne t'a ye k'a fo, A tulo t'a men k'a lakali. Nafigi timinan ka di, O ye timinandiya dan ye. Nafigi te nne, A te segen, A te koro. Nafigiya ju te dower ye nengoya ko. Nengoya dun ye juguya ye. O de kama nafigi te tije fo. A be nkalon tige k'a sago jugu soro. Nka nafigi fana ka fisa a lamenbaa ye.

Ala k'an kisi nafigi tooro ma! Basiru Fonba ka bo Jele Bugukura la Doyila mara la

Jagokelaw be ka sariyaw ta u yere ma



Yaya Mariko

Kabin demokarasi damine na Mali kono, min mana jagokelaw diya u b'o ke. U be sin ka do fara u ka feerefew songow kan. Faamaw te fen fo. An be faamaw nininka, yala demokarasi dabora jagokelaw doronka nafakama wa?

Sogo kilo 1 tun ye doreme 260 ye. O yelema ka ke 300 ye, fo ka se 400 ma. Malo kilo 1 kera doreme 70 ye. Ninan selinin na misi minnu si te teme san 3 kan, olu songo tun doreme 30.000 ye; minnu be san 5 ni 8 furance la olu kera doreme 40.000 ye; dow

ka komotigya ye musalaha ye. Faamaw k'a laje; do kera ninan cokuma na bulon kono sa. Ni ce tena soro ninan ye, u ka musoganaso jo a ye du kono. Ala ka hakili numan di an ma. Yaya Mariko ka bo Senu Bamako

A' be se k'a' ka batakiw ci nin aderesi la : Kibaru BP 24 Bamako

Kašankene n° 112 nan :

Masalaw səbəncogo (lakalili)

Danfara bə cogoyafo ni lakalili cə. Fən do b'i nekoro, i b'o laje, k'a cogoya fo, a kokanna n'a kōnōna. Ni mogo don walima bagan, a farikolo n'a son n'a jōgo. Nka lakalili bə boli ko do nefoli kan, ko min bə ka ke walima min kera kabab.

Ni ntolatan bə ka ke, kunnafonilaselaw b'a lakali mogo ye arajo ni jabaranin na, o ye lakalili do ye. A bə se ka ke fana, e taara neñajekyōrōdōla, i seginnenso, i b'a neñof mogo wəre ye, a kera cogo min na; o fana ye lakalili do ye.

Mogo filia bə se ka ye kokeleñ kene kan, nka u kelen-kelen b'a lakali a ka yecogola an'a ka faamuyacogo. Nka a mana ke cogo o cogo, n'o y'a soro uye lakalili ke ka ne, kokolomayorōw, u bəc da bə se o ma. O b'a jira ko lakalili la, sinsin bə ke kolomayorōw de kan, walasa mogo min tun te kene kan o ka se faamuya soro. Teremēni wəre minnu bə se ka fara a kan, o ye kumadōn haké ye: ka kuma masiri, ka kuma fo k'a diya, ka kuma fo k'a juguya. Nka lakalili la, mogo man kan k'i segen sara fara a kan, n'o cayara a la dōron, a bə ke nkalon labennen ye k'a masiri, kumanin ceñi, o ni tipe te

kelen ye.

Lakalili feerew file nin ye:

Masalaw səbəncogo feerew bolen don, nka kelenw te. Dənniya kono, səbenni fan si te ke kun fe. Dijne jamana bəe kono kalanso bəe la, masala səbenni feere bəe ye kelen ye. I mana ta Faransi, Ameriki, ka segin Mali la, a bəe ye kelen ye, bən kelen don u kan.

Dakun saba bə lakalili fana kono: kunkolo, cesana (cérémonie), sen. O bə bən nebilä, walwalanni, ani kunceli ma.

1 - Nebilä: Ko suguya mindon bə pereperelatige nebilä kono: furusiri, denkundi, janaja, furasi, cəko, kasaara, adw. Obolen koyen, kewati ni koyoro bə pereperelatige ani kebagaw.

2 - Walanwalanni: labenw kera cogo min na walanwalanni bə damine n'o ye. O kofe, ko lakalita damine, a kōnōna an'a laban na ko koloma minnu kera olu senfe, olu be səben.

3 - Kunceli: I hakilila labanw ko lakalita kan, i b'o səben: i fela n'i nison, ka dan yen.

Mahamadu Konta

Maakorobaro : Neñaje

Neñaje bə ke lafiñewaati kono, o waati ye ni baara jora tuma min na.

Baara joli ye diyagoya ye, o de bə Bamananw ke k'a fo ko tulon te səbesa, səbe yere kana tulon sa. N'i denw ye tile ke baara la i bolo foro kono, i te se k'u bali tulon na walima neñaje la su fe.

Tulon bə mogo neñaje. Tulon ka ca, neñaje ka ca. O de bə denmisēna ke tulon ani neñaje ye; barisa n'i ye denmisēna ka hake bato, a ka baara waati kuntaala manjank'osababu ke koa sima sebaaraba ni baara banbali keli ma. Waati min na, n'a te kalan na, a bə tulonke la walima a bə k'i neñaje. O tulon n'o neñaje bə do fara a ka faamuya kan an'a farikolo mogo yali.

Tulon ni neñaje jodaba bə denmisēna ka mogo ya sabatiliko numan na. Tulonkeyorō ni neñajekēnew dekan, denmisēna be mogo ya taabolo wərew kalan: Jeñgonya, taamalōgonya, teriya, kologelya, kekunya, ko sonmine, dimimunu, timinandiya, cesiri, dusukolotigiya, tulon ni yele, nisəndiya, sabati, sariyalabato, mogowerekanu, kantigiya.

Nin bəe de bə denmisēna ka tulonkeyorō n'u ka neñajekēnew ke kalanyorōw ye minnu kalansenw man kan ka pan denmisēna kan. O tuma na, tulon ni neñaje neci belebele bə denmisēna ladamuni na. O neci koson, tulon ni neñaje ye denmisēna ka hake ye min man kan ka kumanneya a ma cogoya si la. Tulon ni neñaje waati man kan ka bosi a la k'o sababu ke ko



Daramani Tarawele

baara b'a bolo.

Ni bangeba ye lafiñewaati di denmisēna ma, a bənen don fana, a ka dəmə a ka se k'i tulon walima k'i neñaje ni tulonkəminew ni neñajefenw ye minnu te tijeni lase a ma. O te sira soro fo sugandili ka ke a ye. Bangebaa de ka kan k'o ke.

N'i ye jatemine ke kolo kə tulon ni neñaje ntanya bə se ka min lase denmisēna ma, o jugumanw ye nisəngoya ye an'i fugariya ni yerebabilä ni dentiñenya ni maalankolonjogo wərew. O tuma, tulon ni neñaje ka kan ka denmisēna dilan wa u bə se k'a laben konuman ni bangebaa y'i hakili to a la i ko a ka keneya, a ka dumuni, a kalanni, a furakeli, barisa ninnu bəe de bə fara nogon kan ka ke denmisēna barikama kelen ye. Ni tulon ni neñaje wo tora fabaliya la, to ninnu bəe bə ke fu ye, ubə nogon dafa de. Fo bəe k'i hakili to nin yoro la, denmisēna ka se k'i tulon ani k'i neñaje konuman.

Karamogo Daramani Tarawele
«Ko y'an bolo denmisēpw ka ko»

Dukənen° 87nan :

Mobiliboli yamaruyasəben (Perimi) sərcəcogo

O la, i bə segin a kan.

Fən min ye mobiliboli kiimēni ye, n'i desera siñe föla, dəgəkun kelen oko i bə segin a kan. N'i desera filan na, kalo kelen o kə, i bə segin a kan. N'i ye siñe woɔro ke ka dəse, o tuma i b'a damine kura ye k'i ka səbenw ladon kokura. Kiimēni ke o kə, i bə sefawari 800 sara.

Səben minnu bə jini i fe olu ye: wolosebən, dagayərə səben (eresidansi), karadantefoto 4, tenburuw (olu songo bə se dərōmə 1.150 sefawari la), keneya seereyasebən; n'i ye dunan ye jamadenyasebən bə jini i fe.

N'i temena səgesegeli fila bəe la, «perimi» sərɔyɔrla, i bə sefawari 800 sara, ka siraba lakanawari, dərōmə 1000 fana sara. Kiimēni fila sərɔlen kə, «perimi» sərɔli kuntaala ye kalo 1 ye.

Mobilidegelakoli ka kalansara:

- Ni mobilibaw don, a cayalenba ye sefawari dərōmə ba 30 ye (30.000).

- Ni mobilibaw fitinirw don, a cayalenba ye sefawari dərōmə ba 22 ye (22.000)

«Perimi» nafa : a nafa te se ka fo ka se a dan na. Mogo si yamarualen te ka mobiliboli kasoro «perimi» t'i bolo. «Perimi» tali sirilen te mobilitigiya la. A ka ni a ka soro bəe kun. Yuruguyurugu man ni perimikola. N'i m'a ta jelenya la, o man ni bawo, o b'a jira k'i te sirabakansariyaw dən kuma te mobiliboli bolicogo juman ma.


Mahamadu Konta

Baseku Kuyate, Afiriki nkoniñolaba

Jeli Banumanaba bəlen ko yen, ale min tun bəsuya bo nkoni na; Jeli Baba Sisoko bəlen ko yen; ale min ye kabako bəe lajelen ke ni nkoni ye, Malijigi ma kari nkoniñolakola. Baseku wuliila k'a jo ni nkoniñolaba ye Mali kono ani dīne fan tan ni naani kono níbarika ye. Nkoni ye bamananw ka folifen kɔrɔba ye. A tun bə fo ka kə Sunjata tile ne sankem 13nan waatiw la.

Basekubangera Garana, Segu mara la. Bamananfoli karamogobaw don. Bi foli karamogobaw bə k'a jira, ko Lamerikenw ka foli min bə wele «Buluzi», k'o buruju ye Segu ye.

Fən min ye Baseku ni folikela tow danfara, oy'a sinsinnye laadalafoliw kan, ka folisen kuraw sankorota. Nkoniñolaba naani b'a ka folijekulu la: ale yere, Fuseyini Kuyate, Baru Kuyate ani Musa Ba. Filenfoliye Alu Kulubali ye. Dununfoliye Musa Sisoko ye. A furumuso Ami Sako bə dənkili da. Tuma dəw la, Kasemadi, Zumana, Tereta ani Lobi bə fara u kə dənkili da. Ma Sumano fana bə dənkili da; ani lamineni.



«Bamanan Buluzi» ani «Speak Fula», oluye Baseku ka alibomuw ye, minnu ye sangal soro dijne fan bəe fe. A bə fo Baseku ma bi Nkoniña, i n'a fo a bə fo dənsokuntigü ma cogo min na dənsoba. Awirilikalo tile 4 san 2010, Baseku ye jala soro Burukina. O bə welelaadalafoli kura jala. Lamerikenw ka folikela min bə wele Taji Mahali, a n'o bə baara ke nogon fe. Yusufu Dunbuya / Mahamadu Konta

Medini jōnfantu (Fori) lākuruyali baaraw bē senna

Tubabuw dagayorō fōlō an ka jamana kōnō, o kera Kayi mara yē, kērenkērennenya la Medini; Medini de fana kera tubabuw ka faaba fōlōye an ka jamana kōnō. Dugu in kōnō, tubabuw y'uka jōnfantu fōlōjo, sisow, kalansow, mugusow, ani galajanw ni sēledow bē min kōnō, ka tata kē kō bēe lamīni, n'o ye kogobolo belebele janmanjanw ye. Jōnfantu in jora kābini san, 1855, o san 156 ye ninan ye. A laban tun bē nini ka kē tomon ye. A yōrō caman tijenā, yōrō dōw karila ka bin, yōrō dōw yētununna kā to to u taamasiyēn ye.

Bi, Mali goferenaman ye jōnfantu kōrō in fara faso faciyēn kan.

A jora Faransi sorodasi nēmōgōba min fē, o bē wele bamanankan na Fataraba. A jokun tun ye, kā kē keledenw dagayorō ye, kēlekēminēn marayorō ani tubabufanga mara bonda ye. Tubabuw ye jamana yōrō tow mineni fēerēw tige k'u to yen de.

Medini jōnfantu farala bi jamana yōrō kōrōbaw kan, minnu ka kan ka lakanā, ka labēn, k'ulakuraya walasa u kana tunun pewu; bi mōgōw ka se kā dōn kōrō min b'u la, nafa min b'u la ani joyorō, an ka tariku kōnō.

A jolen ka san fila kē, Elihaji Umaru, Tali nana kēle sigi Medini dala kalo naani, kā ta san 1857 awirilikalo tile 20 na ka se san 1857 zuluyekalo tile 18 ma; nka Fataraba donna a ni Medini cē, a ma se ka dugu minē.

Medini joyorō bonyara kosebē tubabuw ka se sōrōli la, u ka fanga



Jōnfantu in jora kabini san 1855, o san 156 ye ninan ye

sinsinni ani jagosiraw dayēlēli la an ka jamana kōnō. Mangasabaw tun jōlen bē yēn jagofēnw belamara minnu kōnō sanni u ka ta ka jamana yōrō tow sēgerē. Tubabuw ka sekō ni dōnko sokala fana tun don; bawo lakoli fōlō min jora tubabuw fe Sudan dugukolo kan, o jora Medini. O bēe kōfē dugu in tun bē ba Senegali da la, n'o ye Kayi ba ye. Dankan tun labennen don jagofēnw ni taamadenw kama.

Jokun belebele fila tun bē Medini jōnfantu la tubabuw fe, ka an ka jamana mara ani ka jago ni sōrō yiriwalisiraw sigi sen kan Faransi ka nafa kama.

Jōnfantu camanjora tubabuw fe an

ka jamana kōnō, nka a si tun te Medini ta bō: San 1712 Tanbukane jōnfantu jōrā, San 1714 Naye ni Sēnebugu cē, dojōrā yen. San 1825 Makana ta jōrā, kā laban ni Medini ta ye san 1855.

An bē don min na i ko bi, Medini jōnfantu kōrō, n'a bē fō a ma tubabukan na «Fori», o lākuruyali baaraw bē nini ka ban. A yōrō tun sēbekēn tijenēn don; kēmesarada la, bi kōnōntōn tun tijenā fo ka damatēmē (90%).

Mali goferenaman y'a lākuruyali baaraw kaiifa mōgō min na, o ye Gausu Fofanaye. Baaraw bēdakun min na bi a da sera o ma. A y'a jira, ko sorodasi jalatikibaw, olu ka

nōgōntōrō, o lākurayara, ka kogobolow jo, gabugu ani negeñw fo kā sēgalā janw ma, sorodasiw tun bē yēlēn minnu kan ka yōrō janw ye, ka yōrō janw kibaruyaw dōn, ka yōrōw kōlosi.

Tērēngare kōrō n'a sow, ani bitikibaw, olu fana bēna lākuraya. Dunanjiginsō dō bēna jo o yōrō ninnu na n'a bē fō a ma «Otēli» tubabukan na, ka minkeyorō dōjōgōkerefe «baari» ani lajēkeyorō.

Fēnkōrōlabenna Gausu Fofana y'a jira, ko kaburudo fila minnu bē yōrō in na, sorodasiw ta ani masakēta, olu sen bē lākuruyali la. Kasonka faama min bē wele Hawa Denba Jalo, o su dalen bē yen. Misiri dō jolen tun bē yen fana ni fara ye, o fana b'a la. Jibolidingenba dō fana tun sennēn bē yen, osenna walasa ka yōrōinlakana, o fana bē lākuraya.

Kumalasurunya la, Mali goferenaman b'a fē ka yōrō in lasegin a «cōgoya» kōrō la, kā nē ka tēmē kōrōlen kan walasa a ka kē nedāamuyorō ye, kalanyorō ani u hakilijagabōkēnē bimōgōw bolo.

Mali goferenaman ye sariya ta kabini san 2009 desanburukalo tile 1, ka Medini jōnfantu «Fori», ani Sikaso tata ani Masina Hamudalayi, k'olu fara Faso faciyēn kan walasa ka nafolo don u lākuruyali dafé; bawo jamana ka kunnawolo ani danbe sankorotali b'o la.

Yusufu Dunbiya
Mahamadu Kōnta

Cē dō kēra den 100 ni kō fa ye

Lamerikenjamana na, sannayelēnkalān musaka ka ca kosebē. O de koson kalanden caman bē yen, olu bē ko suguya bēe ke walasa u ka se k'u ka kalanw-musākaw sōrō.

Bēni Sesilēni tun bē sariyakow nedōnni sannayelēnkalān na waati min na, ale y'a jira ko sanga ni waati bēe la, ale tun bē taa a lawajī feere cakeda dōma, k'owari kē k'akā kalan musaka sara. Lamerikenjamana mōgō don min si hake bē san 33 la ninan. A k'a jateminew y'a jira, ko ale y'a lawajī feerekō hake min kē, ko n'o bēe kērā garijēgē ye musow la, nin nōgōntuma b'a sōrō ale ye den 74 fa ye. Enterineti kan, kunnafoni sōrōyōrō debē wele angilekan na «Dnr Sibling Egistry»; o sigira sen kan san 2000 waatila. Lawajifeeresira fēden minnu sōrōla musow fe n'u t'u faw dōw, olu bē to ka o kunnafoni sōrōyōrō in lajē. Enterineti kan walassa u na se k'u faw ka kunnafoni sōrō. U ni den wērē minnu ka kan ka sōrōfa la, u bē olu fana kunnafoni nini yōrō in na.

Kabako ma tēmē nin kan. Tuma minna Beni Sesilēriye «Donon Sibling

Registry» dayēlē kā ka nimōrō ni lawajisancakēda nimōrō don, a y'a sōrō a ye den 74 fa ye. Kasorō Faransi jamana na, i mān kan ka mōgō (cē) kēlen lawajī ta ka tēmē hake dō kan. Dan sigilen don o la olu fe. Lamerikenjamana na o sariya sigilen te yen. Setanburukalo tēmenen in yērē ta kunnafonidilajē kērā o sariya ntanya kōlō kan. Salōla Sintiya Deyili min ye denkē kelen sōrō lawajisan sēfē, o tun ye Enterineti lajē k'a dōn ni balimaw bē o den in na lawajitigi in sababuya la. A y'a dōn o sēfē ko a denkenin kelen in kōrō n'a dōgō ye mōgō 150 ye.

Dōkala Yusufu Jara

Yēlēma donna Mali ka san 2011 baarakēnafolo cogoya la

Depitebulon-dinēna ni yēlēmanī donnēn yē Mali ka san 2011 baarakēnafolo cogoya la jumādon nowanburukalo 11 san 2011. A tun jirala kā bē ben sefawari miliyari 1.196 ani miliyōn 732 ma; nka a yēlēmanā ka kē miliyari 1.275 ani miliyōn 775 ye. Miliyari 79 ani miliyōn 43 b'o ni fōlen kōrō cē. Tēmē kērā kōrōlen kan ni 6,60% ye. Jatew y'a jira ko sefawari miliyari 16 ani miliyōn 450 farala lēnpo donta hake kan.

San 2011 musaka min tun ka kan ka kē miliyari 1.338 ani miliyōn 917 ye; nka o yēlēnna ka se miliyari 1.423 ani miliyōn 744 ma. Miliyari 84 ani miliyōn 827 ye b'o ni fōlen kōrō cē. Tēmē kērā kōrōlen na ni 6,34% ye. Bakurubafo la, san 2011 baarakēnafolo la, nafolo sōrōta mumē ye sefawari miliyari 1.275 ani miliyōn 775 ye; a musaka bē bēn miliyari 1.423 ani miliyōn 744 ma. O b'a jira ko sōrō bē dēsē musaka la ni miliyari 147 ani miliyōn 969 ye; Kasorō baarakēnafolo bolodalen folo la, sōrō tun bē dēsē musaka la ni miliyari 142 ani miliyōn 185 ye. Baarakēnafolo yēlēmanen na dēsē bē kē ni hake min ye, o ka ca ni fōlen kōrō ye ni miliyari 5 ani miliyōn 784 ye. O b'a jira ko tēmē kērā kōrōlen kan ni 4,07% ye.

NKA baarakēnafolo in bēna se ka dafa ni fasō ka nafolo sōrōtaw ani dēmēwariw ye baarakēnafoloko la ka fara jurutataw kan. Alayi Lamu / Dōkala Y. Jara

Kunnafoni surunw

Mali sanuko: Sanu joyorō ka bon Mali ka nafoloko la kosebē. San 2010 kōnō, sanu ye wari hake min ladon jamana kun o ka ca ni sefawari miliyari 15 0 ye. San o san Mali bē sanu tōni 50 labō dugu jukōrō. O de y'a kē sanubasorōjamana 3nan ye Afirikidisi ni Gana kōfē.

Cē dō bilala kalo 15 kasō la a ka wulu nōfē: Faransi jamana na, cē dō bilala kalo 13 datugukaso la kā y'a ka wulumuso gosi k'a faga. A jirala k'a ye biñē ani turunewusi turu-turu a ka wulumuso in na fo k'a faga. U sinna ka taa n'a ye Kanbereyi kiiritigeso la k'a kiri k'a bila san 13 datugukaso ani kalo 2 jantonyerēla kasō la. A ka kasō bannē kōfē, a jate bē mine san 3 kuntaala kōnō. N'a y'a nōgōnna waleya jugu wērē kē, sariya bē laban k'a no mine kokura. Mōgō dōw y'a jira ko cē sulen dulō fe, k'a ye nin waleya jugu in kē a ka wulu la.

Samataségew ma kupu «UMOA» soro, nka u y'u se ke



Sumayila Sise ye Kupu «UMOA» di Senegali ma

Kupu «UMOA» yekupuye, min be da sefawarijamanaw ni jogon ce san o san; nka ntolatannaba minnu be ntolatant na kokan, olu sen t'a la.

Ntolatanna minnu b'an ka sanpiçaw tan jamana kono, olu d'ronde be kupu «UMOA» ntolatantw ke. Ninan ta la, Mali ni Senegali ye jogon soro a finali la Dakaro karidon nowanburukalo tile 6 san 2011.

Kupu in dara kun min kama n'o ye sefawarijamanaw ka donjogonna sabatili ye, fiye tun bëna bila o la ka

da wolofo'w ka kéléjalantig, se diyagoyaninini ani jalatigebaa ka hamaratoya n'a ka juguya kan ka jésin Mali Samataségew ma.

Kéléwulili'ntolatant in senfe cogo di? Kunnafonidila minnu tun be kene kan, olu y'a jira ko Senegali ntolatanna do de ye Mali jokolosila. Sumayila Jakite ka bolocoron ta k'o fili; n'o y'a ka "gan" ye, a be min don a bolola. Jalatigebaa ma fen fo o la. Ntolatanna Dirisa Kulubali taara o ta ka na a di Sumayila ma. Jalatigebaa

y'o nangi. Samataségew ka dogotore Bubakari Jalo y'a ka nisongoya jirâ la. Jalatigebaa y'o gen pewu ka bo ntolatankene na. Senegali jokolosila bora a ka jéda la ka taa Bubakari Jalo boro joni ka bo kenema. Jalatigebaa ma fen fo nin si la. Birisanagami de soro o kofe; nka Mali mogow sera u dusula, usabalila ka temen ni ntolatant ye.

An be se ka min fo ntolatant in yere kan, o ye ko jamana fila ninnu ntolatannaw. ye ntola tan u seko damajira la. Senegali ye bi kelen min don Sitefani Bayi fe sanga 94nan ha, o kera garijigelako ye. N'o te bee tun hakili la ko ntolatant in be laban penalitidurutanw na. Senegalikaw tun b'a don k'o da man di u la; bawo Sumayila Jakite be se penalitimine na kosebe.

Odekosonuyejiduuru, kabalawu wuli, ka Samataségew ja wuli, walasa u ka se ka bi soro sanni se be ke penalitidurutanw ma.

Jibirili Daramé n'a ka céderny'u se ke. Senegalikaw ye cefere min ke Samataségew la, n'o y'u ka ntolatanna kolomaw bana, ka jalatigebaa su ka bilâ u la ani kabalawu wuli ntolatankene kono, olu ka kan ka mogo son hakili la.

Laji M Jabi
Mahamadu Kanta

Jo Faraziye ye dîne to

Lamerikenw ka bolokurunenaje laba min be wele Jo Faraziye, o fatura nténendan nowanburukalo tile 7 san 2011 ka



Jo Faraziye

si to san 67 la. Bana cejugu min be wele «kanseri» n'an ko a ma Bamanankan na bon, o tun b'a fogonfogo la; o de kera a sata ye.

Jo Faraziye ka sanga soro bolokurunenaje la, o daminenan san 1964. A ye se soro sije 29 kartugu jogon na, ka medayi sanunama soro olénpiki jenajew senfe.

A si kono, a ye bolokurufil ke sije 37, «konba», ka se soro sije 32. A tun taara segenhabla, n'o ye «eretereti» ye kabini san 1981. A tun y'a ka baara to ke foli ye, ka folijkulu dô sigi sen kan.

Jo Faraziye donna ni min ye kosebe o y'a ni Mohamed Ali ka jogonsoro ye min be wele «kasisikile». Dîne bee, o tun jogon te bolokurunenaje la. Nka ce kelen min sera k'o gosi sije kelen, o kera Jo Faraziye ye. O kera san 1971. O jogonsoroba in sekofe, u ye boko 15 de ke jogon na, a laban na, jalatigebaa bee da benna a kan ko se ye Jo Faraziye ta ye.

A ye san 3 ke janaya la dîne kono, k'a ta san 1971 la ka se san 1973 ma. O kofe, a ni Mohamed Ali ye jogon soro tugun sije 2, o bee da tora a la. San 1976, Jo Faraziye ni Zorizi Förimani ye jogon soro, o fana ye Lameriken ye; o y'a gosi ka bin sije 2 fo jalatigebaa ye kélé la kasaara kana bo a la.

Bee da benna a kan hali a kéléjanaya ko ñana tun don, bawo a numaribolo tun mana ce o ce soro a ñema, i tun be dugu mine.

Mahamadu Kanta

Farakolonejajé kunnafoni surunw

1 - Kani 2012 labenw : Jamanaw be ka labenw sabati : Mali ni Burukina ye jogon soro, o kera 1 ni 1 ye. Gabon ni Berezili, o kera 2 ni 0 ye Berezili kanuna. Lagine ni Senegali kera 4 ni 1, Senegali kanu na. Kôdiwari ni Afirikidisidi kera 1 ni 1 ye

2 - Tunizi Esiperansi ye ntolatanton nanaw kakuputa: Afirikintolatanton nanaw ka finali tanna sibridon nowanburukalo tile 12 san 2011,

«AMAP» kuntigi
Solomani Darabo
kanw kunnafonisèbenw
baarada kuntigi
Lianze Samake

Kibaru

BP : 24 Téléfoni: 20-21-21-04
Kibaru Bugufiye Bosola
Bamako - Mali
Sebennijskulu
Mahamadu Kanta,
Dokala Yusufu Jara
Labugunyoro : Kibaru gafedilan
baarada
Bolet hake 16 000

Tunizi faaba la. Ton ñana fila minnu ye jogon soro, o kera Marokukaw ka Widadi Atletikulobu ye, ka bo Kasabilanka ani Tunizikaw ka Esiperansi. Ntolatantabanna 1 ni 0 la Tunizikaw kanu na. Tunizi kuru 1 donna sanga 21nan na, Harisoni Afuli fe, o ye Ganaka ye.

3 - Mali sanpijona kura : Ntolatanton nanaw ka jogondan, a be fo o de ma, «Sanpijona». Ninanntolatanton ñana hake kera 16 ye kasoro 14 tun don. Olu be jogon soro tile 30 kono taakasegin na. Ntolatanton 3 minnu mana ke bee ko ye, olu be jigin dugumada la. Bamako ntolatanko tonba kelen y'a jo ni ton ñanan 11 ye. Kulukoro ye fila di (ñanan ani Dugu 7). Kayi, Segu ani Sikaso, olu bee ye kelen-kelen di.

4 - Erçpu jamana ñanaw ntolatant na olu ka jogondanba be ke san 2012: Jamana 16 be ye a kene kan : Itali Angilejamana, Alimanjamana, Espani, Faransi, Holandi, Irisijamana, Pòritigali, Poloni, Danemariki, Korowasi, Geresijamana, Ikereni, Suwedi, Irlandi, Cekijamana 5 - Kameruni ntolatannaw ye géréwu ke

(baarabila) : U ka juru cayara kojugu Kameruni Federason na. Taratodon, nowanburukalo tile 15, u tun ka kan ka taa ntolatant na Alizeri nka u y'u ban ka don pankurun kono ko fo u ka wari bee ka sara u ye. Miliyon 15 dira ntolatanna kelen-kelen ma nka Alizeritaga in koni bora a ma. O ma ben fewu Alizerikaw ma.

6 - Kewini Pérensi Botengi b'a fe k'a sen bo Gana ntolatantw na : Gana ntolatannaba don. A si be san 24 na. Abangera Alimanjamana kan. Sisan, a be ka ntola tan Itali (Milan AC) fe. O koro ye ko Kani nata in na, ale sen tenu ye o la. Gana faamaw kabakoyara, jamanadenw dusu tinen.

7 - Daramani Bagayogo kera Mali Tenisi ñana ye : A ye janaya in ta Mali jogondan 33nan senfe tenisi la ka bo Ba Çekoro Keyita nekan. Okera sibridon, nowanburukalo tile 12 san 2011, Modibo Keyita togolafarikolonejajeyo la.

Bubakari Cero
Laji M. Keyita
Solomani Bobo Tunkara
Mahamadu Kanta

**Kibaru,
kunnafoni jigine !**

